

疆 郊 藝 圃

金匱集目錄

越調

清平樂

溫庭筠二首
韋莊四首

遐方怨

溫庭筠二首

訴衷情

溫庭筠一首
韋莊二首

思帝鄉

韋莊二首
溫庭筠一首

南呂宮

夢江南

溫庭筠二首

河傳

溫庭筠三首
韋莊三首

蕃女怨

溫庭筠二首

荷葉杯

溫庭筠三首

中呂宮

菩薩蠻

溫庭筠十首
韋莊五首

玉胡蝶

溫庭筠一首

望遠行

韋莊一首

黃鍾宮

浣溪沙

韋莊五首
張泌一首

歐陽炯三首

南鄉子

歐陽炯八首

雙調

歸國遙

韋莊三首
溫庭筠二首

應天長

韋莊二首

荷葉杯

韋莊二首

謁金門

韋莊二首

江城子

韋莊二首
歐陽炯一首

小重山

韋莊一首

獻衷心

歐陽炯一首

賀明朝

歐陽炯二首

鳳樓春

歐陽炯一首

林鍾商調

更漏子

溫庭筠六首
韋莊一首

木蘭花

韋莊一首

高平調

酒泉子

韋莊一首
溫庭筠四首

定西番

溫庭筠三首

楊柳枝

溫庭筠八首

仙呂宮

南歌子

溫庭筠七首

河瀆神

溫庭筠三首

歇指調

女冠子

溫庭筠二首
韋莊二首

上行杯

韋莊二首

天仙子

韋莊五首


黃鍾宮

喜遷鶯

韋莊二首

漁父

和張志和十五首



金匱集

溫飛卿 庭筠

越調

清平樂

六首

上陽春晚宮女愁蛾淺新歲清平思同輦爭柰長安路
遠鳳帳鴛被徒熏寂寞花鎖千門競把黃金買賦爲
妾將上明君

洛陽愁葉楊柳花飄雪終日行人恣攀折橋下水流鳴
咽上馬爭勸離觴南浦鶯聲斷腸愁殺平原年少回
首揮淚千行

春愁南陌故國音書隔細雨霏霏梨花白燕拂畫簾金

額盡日相望王孫塵滿衣上淚痕誰向橋邊吹笛駐
馬西望銷魂

野花芳草寂寞關山道柳吐金絲鶯語早惆悵香閨暗
老羅帶悔結同心獨凭朱闌思深夢覺半牀斜月小
窗風觸鳴琴

何處游女蜀國多雲雨雲解有情花解語空地繡羅金
縷妝成不整金鈿含羞待月鞦韆住在綠槐陰裏門
臨流水橋邊

鶯啼殘月繡閣香燈滅門外馬嘶郎欲別正是落花時
節妝成不畫蛾眉含愁獨倚金扉去路香塵莫掃掃
郎郎去歸遲

遐方怨 二首

憑繡檻解羅幃未得君書斷腸瀟湘春鴈飛不知征馬
幾時歸海棠花謝也雨霏霏
花半折雨初晴未捲珠簾夢殘惆悵聞曉鶯宿妝眉淺
粉山橫約鬟鸞鏡裏繡羅輕

訴衷情 三首

鶯語花舞春晝午雨霏微金帶枕宮錦鳳皇帷柳弱蝶
交飛依依遼陽音信稀夢中歸

燭燼香殘簾未捲夢初驚花欲謝深夜月朧明何處按
歌聲輕輕繡衣塵暗生負春情

碧沼紅芳煙雨靜倚蘭橈垂玉佩交帶裊纖腰鴛夢隔

星橋迢迢越羅香暗銷墜花翹

思帝鄉

三首

雲髻墜鳳釵垂髻墜釵垂無力枕函欹翡翠屏深月落
漏依依說盡人閒天上兩心知

春日遊杏花吹滿頭陌上誰家年少足風流妾擬待將
身嫁與一生休縱被無情棄不能羞

花花滿枝紅似霞羅袖畫簾腸斷卓香車迴面共人閒
語戰篴金鳳斜唯有阮郎春盡不還家

南呂宮

夢江南

二首

千萬恨恨極在天涯山月不知心裏事水風空落眼前

花搖曳碧雲斜

梳洗罷獨倚望江樓過盡千帆皆不是斜暉脈脈水悠悠腸斷白蘋洲

河傳 六首

江畔相喚曉妝鮮仙景箇女採蓮請君莫向那岸邊少年好花新滿船紅袖搖曳逐風暖垂玉腕腸向柳絲斷浦南歸浦北歸莫知晚來人已稀

湖上閒望雨蕭蕭煙浦花橋路遙謝娘翠蛾愁不銷終朝夢魂迷晚潮蕩子天涯歸棹遠春已晚鶯語空腸斷若耶溪溪水西柳堤不聞郎馬嘶

同伴相喚杏花稀夢裏每愁依違仙客一去燕已飛不

歸淚痕空滿衣 天際雲鳥引情遠春已晚煙靄渡南苑雪梅香柳帶長小娘轉令人意傷

何處煙雨隋堤春暮柳色蔥蘢畫橈金縷翠旗高颭香風水光融 青娥殿腳春妝媚輕雲裏綽約司花妓江都宮闕清淮月映迷樓古今愁

春晚風暖錦城花滿狂殺遊人玉鞭金勒尋勝馳驟輕塵惜良辰 翠娥爭勸臨邛酒纖纖手拂面垂絲柳歸時煙裏鐘鼓正是黃昏暗銷魂

錦浦春女繡衣金縷霧薄雲輕花深柳暗時節正是清明雨初晴 玉鞭魂斷煙霞路鶯鶯語一望巫山雨香塵隱映遙見翠檻紅樓黛眉愁

蕃女怨二首

萬枝香雪開已徧細雨雙燕鈿蟬箏金雀扇畫梁相見
鴈門消息不歸來又飛迴
磧南沙上驚鴈起飛雪千里玉連環金鏃箭年年征戰
畫樓離恨錦屏空杏花紅

荷葉杯三首

一點露珠凝冷波影滿池塘綠莖紅豔兩相亂腸斷水
風涼

鏡水夜來秋月如雪採蓮時小娘紅粉對寒浪惆悵正
相思

楚女欲歸南浦朝雨濕愁紅小船搖漾入花裏波起隔

西風

中呂宮

菩薩蠻

二十首

五首已見尊前集

小山重疊金明滅
鬢雲欲度香顚雪
懶起畫蛾眉
弄妝梳洗遲
照花前後鏡
花面交相映
新帖繡羅襦
雙雙金鸂鶒

水精簾裏珊瑚枕
暖香惹夢鴛鴦錦
江上柳如煙
鴈飛殘月天
藕絲秋色淺
人勝參差翦
雙鬢隔香紅
玉釵頭上風

藥黃無限當山額
宿妝隱笑紗窗隔
相見牡丹時
暫來還別離
翠釵金作股
釵上蝶雙舞
心事竟誰知
月明

花滿枝

翠翹金縷雙鷓鴣水紋細起春池碧池上海棠梨雨晴
紅滿枝 繡衫遮笑靨煙草黏飛蝶青瑣對芳菲玉關
音信稀

杏花含露團香雪綠楊陌上多離別燈在月隴明覺來
聞曉鶯 玉鈎褰翠幕妝淺舊眉薄春夢正關情鏡中
蟬鬢輕

玉樓明月長相憶柳絲嫋娜春無力門外草萋萋送君
聞馬嘶 畫羅金翡翠香燭銷成淚花落子規啼綠窗
殘夢迷

鳳皇相對盤金縷牡丹一夜經微雨明鏡照新妝鬢輕

雙臉長
雙燕迴

畫樓相望久
闌外垂絲柳
音信不歸來
社前

牡丹花謝鶯聲歇
綠楊滿院中
庭月相憶夢難成
背窗燈半明
翠鈿金壓臉
寂寞香閨掩
人遠淚闌干
燕飛春又殘

滿宮明月梨花白
故人萬里關
山隔金鴈一雙飛
淚痕沾繡衣
小園芳草綠
家住越溪曲
楊柳色依依
燕歸君不歸

寶函鈿雀金鸂鶒
沈香闌上吳山碧
楊柳又如絲
驛橋春雨時
畫樓音信斷
芳草江南岸
鸂鶒鏡與花枝此情誰得知

紅樓別夜堪惆悵香燈半捲流蘇帳殘月出門時美人
和淚辭琵琶金翠羽絃上黃鸝語勸我早歸家綠窗
人似花

人人說盡江南好遊人只合江南老春水碧於天畫船
聽雨眠鑪邊人似月皓腕凝霜雪未老莫還鄉還鄉
須斷腸

如今卻憶江南樂當時年少春衫薄騎馬倚斜橋滿樓
紅袖招翠屏金屈曲醉入花叢宿此度見花枝白頭
誓不歸

勸君今夜須沈醉尊前莫話明朝事珍重主人酒深
情亦深須愁春漏短莫訴金杯滿遇酒且呵呵人生

能幾何

洛陽城裏春光好洛陽才子他鄉老柳暗魏王堤此時
心轉迷桃花春水淥水上鴛鴦浴凝恨對殘暉憶君
君不歸

玉胡蝶

秋風淒切傷離行客未歸時塞外草先衰江南鴈到遲
芙蓉凋嫩臉楊柳墮新眉搖落使人悲斷腸誰得知

望遠行

欲別無言倚畫屏含恨暗傷情謝家庭樹錦雞鳴殘月
落邊城人欲別馬頻嘶綠槐千里長堤出門芳草路
淒淒雲雨別來易東西不忍別君後卻入舊香闥